



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vitae Sanctorvm

Lippeloo, Zacharias

Coloniae Agrippinæ, 1604

Vitas. Theophanis, Qvi Et Isaacius dictus est. ex ea quæ est apud Metaphr.
Obijt diem extremum Anno Redemptoris 816. Leonis 3. Papæ 21. Leonis
Armeni Iconoclastæ Imperator. 3.

urn:nbn:de:hbz:466:1-42667

934 MART. S. PETRI CYBICVLARII
 erat imperatum, præstaret. Sed ubi ista perpeffus,
 constans & immutabilis perfisteret, de reliquo
 ossibus eius iam carne nudatis, acetum sale per-
 missum, in corporis membra cruciatu attenuata,
 & propè contabefacta infuderunt. Atque ut istos
 dolores protriuerat, & veluti pedibus conculcá-
 rat, indè craticula & ignis vnà in medium tra-
 huntur, & reliquiæ eius corporis, tanquam
 carnes ad comedendum paratæ, ignis incendio
 non raptim (vt breui è vita decedens, omni dolo-
 re liberaretur) sed paulatim absumptæ fuerunt.
 Neque qui eum imposuerant in rogam, etiam
 post tot tamque grauia cruciamenta, ei vllum re-
 spirandi locum dare in animo habebant, nisi pri-
 us se ipsorum imperata facturum annueret. Sed
 ille proposito suo mordicus adhaerescens, victor
 in tormentis animam efflauit. Tale vnus regionū
 famulorum martyrium extitit, appellatione sua
 (Petrus enim nominatus fuit) reuera dignum.

Affatur in
 craticula,

Moritur in
 cruciamen-
 tis,

Vide Cæsar.
 Baro. in not.
 marty. Rō. &
 Tom. 9. An.

VITA S. THEOPHANIS, QUI ET ISA-
 CIUS dictus est. ex ea quæ est apud Metaphr. Obijt
 diem extremum Anno Redemptoris 816. Leonis
 3. Papæ 21. Leonis Armeni Iconoclastæ
 Imperator. 3.

12. Martij.

Patria The-
 ophanis
 Constanti-
 nop.
 Parentes,

Tvlit virum hunc admirabilem illa patriâ,
 quæ imperij dignitate decorata, cæteris tã-
 tum omnibus antecellit, quantum Regi-
 nam subditis præstare par est. Parentibus talia
 patria dignis ortus est, qui & diuitiarū copijs, &
 militari gloria, & virtutibus omnibus assuebat.
 Isaacius & Theodora, si quid etiam vobis nomen
 est curæ vocabantur. Puer adhuc trimulus Impe-
 ratori curandus gubernandusque à patre relictus
 est; à quo cū virtutes præclara indole dignas hau-
 sisset

fisset, & annos insigni prudentia ornasset, coepit tota mente die nocteque de rerum diuinarum pulchritudine cogitare, sed cum importunis matris precibus ad nuptiarum molestias suscipiendas cogere, paruit ille quidem, ita tamē vt firmiter & mentis & corporis integritatem sibi, Dei gratia, seruandam proponeret. Nocte autem, celebrato cum summo omnium gaudio, nuptiarum conuiuio, cum in cubiculo esset cum sponsa sua, totaque mente res diuinas agitare, suspirio desiderium suum sponsæ indicauit, & luculenter admodum de humanæ vitæ breuitate, ac incertitudine, de mundi vanitate, & impuris voluptatibus, de castitate mentis & corporis, de extremo Dei iudicio, & sempiternis cælestis vitæ delicijs disseruit, adeoque castum sponsæ suę pectus amore virginitalis inflammauit, vt protinus nihil se magis expetere diceret, quam compressa carnis libidine, totum amorem in Christum transferre.

Virginitalis
perpetuam
amplectun-
tur.

Adolescens hoc accepto responso, lachrymas præ gaudio continere non potuit, quin & humi prostratus, peractis numini diuino, cui donum hoc præclarum acceptum referebat, gratiarum actionibus, coniugis animum admirabatur; deinde læto eam vultu intuitus, promisit se illam honestis omnibus in rebus sociam habiturum, quod in futuro seculo præclari muneris simul cum ipsa præmium perciperet. Dum hos aliosque quibus se mutuo ad omnem vitæ sanctimoniam hortabantur, sermones inter se conferunt, diuinum numen mira odoris fragrantia, præsentiam suam comprobauit; qua mirifice confortati, amplissimis facultatibus in vsus pauperum distributis, solitarię vitæ propositum amplexati sunt. Sed focer eius (qui spem omnem in ipsis repositam habebat) ea re ita

Solitariam
vitam eli-
gunt.

Nnn 2 commo.

Leonis mi-
hi.

commotus fuit, ut minimè distulerit ipsius Imperatoris (qui adolescentis patrem summo semper loco habuerat) nefariam opem contra sanctum adolescentem implorare. Leo (hoc Imperatori nomen erat) acri indignatione commotus, minatus est, nisi cœpto desisteret, patrijs viriliter honoribus infisteret, se oculos eius effosurum. Atque, ut facilius in obliuionem sancti propositi veniret, eum Cyzicum præclaro dignitatis munere ornatum misit. At ille constanter in proposito persistens, & alacri animo iter ingressus, apud Sigrianem viro cuidam admirandis virtutibus ornato (cui Gregorio nomen erat) occurrit. Huic Theophanes animi sui propositum indicans, dixit certum sibi deliberatumque esse, voluntarium exilium voluntati Imperatoris præferre. Gregorius autem diuino spiritu edoctus omnis exilij cogitationibus eum hortatus est, ut inuictum ab Imperatore munus administraret, nec quidquam de Dei benignitate ambigeret, quæ suo tempore Imperatore in ordinem redacto, desiderio eum nequaquam fraudaret.

Irene imperio potitur.

Facultates suas, in pauperes distribuunt.

Nondum anni tres elapsi erant, cum Irene, mulier excelso & virili planè animo prædita, deiecto ab imperij dignitate Leone, & socero in ordinem redacto, imperij gubernacula cum filio suscepit, & optatissimum pacis splendorem præclare restituit. Tunc sponsa Christi libertatem adepta, congestas domi diuitias protulit, & partem vnã in vsu pauperum, alteram verò in noua monasterij (cui se, ut Christi ibidem spiritu suauius frueretur, libenter inclusit) fabricam contulit, Theophanes autem magno illi seni apud Sigrianem in disciplinam se tradidit; vbi extracto proprijs sumptibus domicilio, à sancto Gregorio consu-

tonfura & habitu externis Christianæ militiæ
 indicijs, insignitus est. Nec segnitè sanè pale-
 stram ingressus est. Nuda humus stratam illi præ-
 bebat. Diuinorum librorum lectioni, & rerum
 cælestium meditationi assiduè vacabat. Cumque
 aduersus Dæmones & cupiditates pugnaret, mi-
 tis ac mansuetus omnibus, vt alter Moses, videba-
 tur. Dignitates & mundi honores, vt res vilissi-
 mas, & rerum terrenarum sordibus plenas con-
 temnebat. Nam vt monasterij Præfecto è viuis
 sublato, in eius locum votis omnium assumptus
 est, sumpto in manibus baculo, viliq; præcin-
 ctus tunica, ad montem Sigrianae contendit, vbi
 soli Christo cognitus, manuum labore victitabat:
 & plurimos vitæ innocentia ad virtutis studium
 alliciebat.

Theopha-
 nes fit mo-
 nachus.

Eius exerci-
 tia.

Fugit mo-
 nasterij præ-
 fecturam.

Cum ad Nicenam Synodum secundam voca-
 tus esset, & reliqui omnes vestium splendore mi-
 cantes, equis inuecti, venirent, ille lacera indu-
 tus, & asinae infidens iter animo lato suscepit, at-
 que in Synodum veniens clarissima veritatis lu-
 ce errores depulit, & summa virtutum omnium
 opinione insignis, domum redijt. Fuit vir sanctus,
 insigni miraculorum virtute clarus. Nec solum
 dæmones, sed ipsa etiam muta mundi elementa
 voluntati eius obtèperabāt. Cæterū cū omnibus
 virtutibus excelleret, in curadis subleuadisq; pau-
 peribus eximiā sanè diligentia adhibebat; nec vl-
 la res rata erat, quæ eū aliquādo à benignè facien-
 di studio auocare poterat. Quodā tēpore, cum ex-
 trema quædā rerū omniū inopia, miseris homi-
 nes exagitaret, ille cibum, qui in quatuor mensū
 spaciū monasterio assignatus erat, liberaliter ero-
 gavit, cumq; minister superueniēs vehemēter cō-
 motus eo factō rem monasterij in vltimum dif-

Venit ad Ni-
 cenam Sy-
 nodum.

Benignitas
 eius in pau-
 peres.

Nnn 3 crimen

crimen adductam esse diceret, ille miti oratione frumentum, vt numeraret, imperauit. Quod minister cum fecisset, nullum aceruo modium deesse reperit.

Leo V. iconomachus.

Eodem tempore Christi Ecclesiam quæ summa tunc pace fruebatur, Leo V. homo scelestissimus, multis dolis & fraudibus (quibus virtutis loco utebatur) subuere conabatur. Sacras Christi imagines, & matris eius sanctorumque omnium demolitus est: & vniuersam ecclesiam grauioribus quam fuerant Aegyptiæ tenebris inuoluit. Tanto terrore omnium animos replebat, vt qui virtutis præstantia nefarijs eius conatibus occurrere debuissent, impietatis eius fluctibus obrui, congressum formidarent. Qui verò vita pro Christi gloria cõtempna, sceleris impietatem delere nitebantur, partim fame, partim verberibus, ad extremum vitæ spiritum decertabant.

Tunc Theophanes tempus adesse ratus, quo vel insignem triumphum de hoste reportaret, vel sempiternam nominis sui gloria in certamine pro Christi causa sanguinem funderet, ad urbem regiam, quamuis graui morbo laboraret, nauigio se contulit. Leo autem cognito sancti viri aduentu, statim illi per nunciũ significauit, si eo animo vt se edicto Imperatoris subijceret venisset: non solum monasterium suum, sed omnes eius cognatos & propinquos maximis dignitatibus, & honorum titulis decorandos. Sin Imperatoris voluntatem negligeret, vi mala coactum in sententiam suam sempiternis ignominie maculis deformatum, ire compelleret. Ad hæc vir diuinus vultu animoque intrepido ita respondit, vt tyrannus intelligere posset, se nec honoribus, nec dignitatibus, quas Christi amore maximas con-

Constantia
Theophanis
aduersus
Leonis im-
pietatem,

contempserat, allici, nec minis vel supplicijs ter-
reri posse.

Imperator quamvis constantiam animi vehe-
menter miraretur, non tamen iniquæ victoriæ
spem abiecit, sed hominis cuiusdam scelerati
præstigijs confusus, beatum virum facile in frau-
dem pelli posse confidebat. Sed cum vir nefarius
primo congressu præclara dicendi facultate à The-
ophane victus esset, & congressum secundum
formidaret, ad cruciatus deuentum est. Itaque
Eleutherij palatio inclusum, diuturna fame ita
grauiter vexari iussit, vt tabe confectus vitam
morte ipsa acerbiozem duceret, præsertim cum
medicorum auxilio destitutus, morbi acrius in
eum defœuissent. Postquam autem duos annos
acerbissimum carcerem inuictò animo pertulisset,
in Samothracem insulam deportatur; vbi tri-
bus & viginti diebus exactis, Christo, pro cuius
gloria, constanter decertabat, spiritum tradidit.
Sacrum eius funus fideles cantibus & sympho-
nijs curarunt; quod diuina bonitas in terris egre-
gia miraculorum virtute illustre reddidit. Nam
vto tempore pestilens contagio, animantia
cuncta populari cœpit, multi qui spem magnam
in sanctitate viri Dei repositam habebant, aquã
eius arcæ quæ sacras reliquias continebat admo-
uentes, eadem animantium corpora pestilenti lue
infecta aspergebant, & omni periculo protinus
liberabant. Leo autem immanis aper Ecclesiæ,
haud multò post dignas nefario scelere pœnas,
in sacris locis in quæ debacchatus fuerat cum per-
soluisset, discussis paulatim tenebris, splendor
veritatis cum summo omnium gaudio restitutus
est; & corpus sancti viri discipulorum humeris
magno cum honore sublatum, in templo sancti mar-

Fame &
carceris
squalore,
cruciatu.

Moritur.

Leo cadit.

tyris Procopij, in locum quendam (quem Sacrum appellant) illatum est. Vbi multi fidelium, meritis & virtutibus eius, clarissima à Deo beneficia perceperunt. Dæmoniæ, Paralytici, Cæci, Claudi, & maximis morborum languoribus oppressi, sanitatis beneficium consequuti sunt. Chyrographum flagitiosis actionibus plenum, cum arca obsignatum admoueretur, atque iterum receptum esset, sic omnibus apparuit, ac si nihil unquam in eo fuisset scriptum; prorsus ut Apostolicam potestatem ex huius arca manantem cuncti mirarentur. Postquam autem anno integro in sancti martyris Procopij templo commorasset, nè noua semper confluentium turba preces eorum, qui rem diuinam ibidem faciebant, impediret, tandem ad monasterium eius delatum fuit.

Miracula ad
S. Sepulcrum.

Transfertur
ad suum mo-
nasterium.

Vid: Cæsa. **MARTYRIUM INSIGNE S. SABINI:**
Baronij. Ex eo quod est per Metaphrasten. Passus est
not. in mar- in persecutione Diocletiani, sub Ari-
tyr. Rom. no Præsæcto.

33. Martii.

Sabinus
Hermopoli
Princeps.

Cum Aegyptus cum reliquis orbis partibus
crudeli Imperatoris Diocletiani edicto,
grauissimis persecutionum procellis in-
uolueretur; Sabinus quidam Hermopoli Princeps
illustri loco natus, & religionis Christianæ cul-
tor egregius, in ea rerum perturbatione à ciuitate
discessit, & in angusto domicilio, cum alijs qui-
busdam pietatis studiosis, die nocteque ieiunijs
& precibus incubuit. Cum verò celebre admo-
dum eius nomen in ore omnium versaretur, & à
sceleratis hominibus ad necem quæreretur, mendicus
quidam, qui multis frequenter ab eo bene-
ficijs affectus fuerat, nefarij lacelli cupiditate
hanc